

67

142

六要鈔

中

東 京 圖 書 館				
三	四	七		
冊	號	架	函	類 門

67-142

六要鈔第三 舊本



皆卷大門第三明_ニ信_ヲ於中分_ニ五_ツ一序_ヲ題目_ニ二
 者別序_ニ三正_ニ題目_ニ四者標舉_ニ五者正釋_ニ初序_ニ
 題目分_ニ三如前_ニ二別序者對_ニ第一卷_ニ最初總
 序號之別序是安心卷為要須故有此別序
 問用_ニ一序_ニ時常安前後仍_ニ以安_ニ後_ニ謂_ニ之後_ニ序_ニ
 或以_ハ前後稱_テ之序_ヲ跋_ト非其後序中間用_ニ之有_ニ
 其例耶答若依_レ天台_ニ於_ニ法華經_ニ本迹二門各

有其序是其證也就此序中分文爲四一自
文之初至哀善巧是顯他力信心行相上云
如來是約彌陀下云大聖是約釋迦二然末
代下是明他師拘其本宗自力執情不顯本
願真實源底此非實誤時機未熟皆待後賢
述其實義耳例如天台淨影等師皆是大權
各雖明指暫隱經旨潛讓彌陀如來應化善
導大師楷定述記二爰愚禿下顯自所解究

得經論釋義深旨兼顧謗難述自謙言四忻
淨邦下總結文也三正題目者分二又同對
序題目云正題目行信鈎鎖二三成次四言
標舉者題後一行第十八願至心信樂之願
是也○註言正定聚之機者是明至心信樂
行人即蒙攝取不捨益故現與生死分流義
也五正釋中又分爲二自文初下至重愛也
先標信相兼舉願名二至心信下正引諸文

大要抄卷之三

於初文中○謹按等者第二卷初雙標行信
其中明行是故當卷不及標一直接明信也嘆
此信心有十二句其文可見云不顛倒云不
虛偽借論註言二引文中因願成就大經寶
積各以引之其義可見又言聞法能不等者
大經下卷三十偈文是嘆聞法不忘之德問
次上文者如來會說今文大經兩經各別何
云又耶又下二文如來會文何對大經亦云

又耶前後錯亂難思如何答誠以難思此書
大概類聚之後上人不幾歸寂之間不及再
治少々非無如此事等且又雖有翻譯之異
梵本同故依其義邊強無苦歟聞法不忘則
我善親友稱譽之義淨影懔與共約彼土義
寂約此殿最難知但次所引異譯經文或云
當獲重愛聖尊或云常令諸佛生喜文勢義
趣約此土義尤得其理宜依寂意問諸師異

解欲聞其釋答淨影師云聞不忘者弥陀佛
所聞法不忘言見敬者見弥陀佛心生敬重
得大慶者明前聞法見佛恭敬得善利乃至行
順釋迦名我善友上已憬興師云即不忘弥陀
所說亦見彼佛心生敬重以為大喜行順釋
迦釋迦所攝故云善友上已義寂師云聞法能
不忘者聞而能思故不忘也見敬得大慶者
於思擇時見其深趣而敬重得其滋味而大

慶若能如此則與佛同志故云則我善親友
也上已次下兩文大同大經次論註文五念門
中讚嘆門釋令所引中初自稱彼至相應故
二十五字是本論文稱彼如來名者以下論
文分三牒釋之耳就第一句問稱彼等者所
言之稱稱念義歟稱揚義歟答總而言之可
通二義別而論之稱念為本問今論所立五
念門中不立名號稱念一門即以觀察為論

正意隨見註文釋讚嘆云讚者讚揚也嘆者
歌嘆也須約稱揚何通二義况以稱念爲論
正意其理如何答豈不前云總通二義今讚
嘆釋則一邊義但別不立稱念門者言讚嘆
者是則稱義稱有稱揚稱念二義故不別立
凡於稱字通二邊義若約所讚是則稱念名
號是也若約能讚稱揚之義而能讚者於所
讚法有勝德故若無所讚何有能讚其所讚

者名號光明第一之句所明即是名號法也
○就第二句佛光等者佛之光明智慧所生
故云如來光明智相○就第三句能破等者
明滅罪德一切言中應攝惑障業障報障諸
不善也○能滿等者明往生益又一切言可
攝護念見佛等也○然有等者是其問也○
由不等者是其答也○云何等者是懲問也
爲下如上本無不字是脫落歟○謂不等者

是其答也此有二意一謂以不知二種之身判爲名義不相應義一謂違三種不相應義稱爲如實修行相應○問實相爲物二種之身其義如何答此有二義一義云實相身者此是理佛即云法性法身是也爲物身者此是事佛即云方便法身是也一義云實相爲物二種法身共是事佛二種法身是約自利利他之德即名與義實相約義即是光明攝

法身故爲物是名即是名號攝衆生故問且就後義既云實相何爲事佛答所言實相非無相義是虛實義即約生佛謂佛爲實衆生爲虛以悟爲實以迷爲虛問二義之中以何爲正答二義共存用捨可在學者之意但約名義猶親文歟○又有等者是釋如實不如實義○一者等者第一不信是約心弱由心弱故或有行時或時不行又窺字訓淳玉篇

云之純是倫二切淑也廣韻云常倫切清也
朴也依此等訓可通不善不淨不直等之義
歟註常倫反倫字恐非書生誤歟可如廣韻
第二不信既云不一由不一故行不一準云
不相續雜餘行故念弥陀心念念間斷釋云
餘念間故是也○是故等者問上舉三信更
不云一以一心文結三信義註釋引文甚不
相順如何答上舉三信雖開其心三信相成

遂非別心以之謂之只是開合爲顯其意故
結此義引此文也仍下私釋專成三心一心
之義尤叶此理殊可信受次讚弥陀偈此文
爲讚第十八願文故引此偈也次所引文定
善義釋解雜想觀阿弥陀佛神通如意於十
方國變現自在之文釋也○言如等者於如
意言有二義中後義粗標他力利益是顯造
惡流轉凡夫開悟得脫非己所堪偏爲佛德

雖爲定善觀門之說就所觀佛明其益也○
言五眼者載第一卷○言六通者俱舍論第
二十七云一神境智證通二天眼智證通三
天耳智證通四他心智證通五宿住隨念智
證通六漏盡智證通雖六通中第六唯聖
然其前五異生亦得依總相說亦共異生
次所引文序分義釋問今引此文有何由耶
答上來引文所明皆是如來濟度利生方便

如實相應真實信心其所被機是爲罪惡生
死凡夫煩惱賊害之衆生故爲顯五濁五苦
八苦逼惱有情專爲其機故引之也現行之
本五苦下有八苦二字今被除歟又有異歟
次所引者散善義文三心釋也此三心者出
離直因行者最要解信仰信宜依機根共歸
佛智往生無疑於此三心可存二意一者是
爲定散諸機所發起故先被行者明其信相

義原古
並作機

故明初心勸門之時先約其機勸可解行真
實之義誠門之時同約其機誠侵貪瞋可離
虛假內外相應謂之真實然而未分自力他
力下之二心準之應知二者三心皆是如來
迴向成就之利益也更非凡夫自力之心凡
心更無真實之義偏歸他力以其佛德證得
往生是故於義不論信相約此義邊大經觀
經三信三心本是一意今至誠心勸誠二門

讀其文點宜令領解可在口傳又至其文粗
可解耳二義之中初義常義後義今師相傳
之義次下三心下心釋中具有此意○辨定
等者今此三心就云正因正者對邪又對傍
言今此言正其義可知因者對果又對緣言
是則觀念法門中釋見佛緣云至誠心信心
願心為內因又籍弥陀三種願力以為外緣
外內因緣和合故即見佛已言三力者同緣

中依般舟經說所引載之大誓願力三昧定
力本功德力是其三也見佛之益既由內外
因緣得之往生之益尤可准知因茲此書第
二卷云真實信業識斯則爲內因光明名號
父母斯則爲外緣內外因緣和合得證報土
真身蓋此義也○隨機等者機者即是定散
諸機益者即是諸機往生得其往生偏由佛
願難思利益名號一法而佛未顯其勝利言

之意密是故自問自懲自答若不如是衆生
何以聞此要義慇懃之意其義可貴○經云
一者至誠心者是牒經文問依文三卷下
釋經何限此文置此言耶答所言三心一經
眼目出離要道故舉佛言勸信順也○至者
等者是字釋也至字真訓管見未覃但如此
例聖典多之況大權釋仰可信之如天台者
以專訓至是又未知各有據歟○欲明等者

勸門釋也須字之訓可用用訓○心中作者
非行者作約佛所作是則凡心非真實故依
歸佛心真實之德爲其佛德得往生益就其
所歸云真實心依主釋也○不得等者誠門
釋也此句文點自現還得當流學者定存知
歟今此釋意識雜行也所以然者凡夫之心
更無賢善精進之義只是愚惡懈怠機也而
人不顧自心愚惡隨緣起行若欲求修賢善

精進之諸行者惡性心故煩惱賊害必是不
免虛假雜毒內懷虛假是其義也然者不現
賢善等相識知自心三毒惡性捨自力行歸
他力行可得真實清淨業也以勸此心爲今
釋要○雖起等者三業爲外惡性爲內如常
義者外名身口內名意業如然可云雖起二
業既云三業可知三業只是外也內惡性也
○若作等者明自力善爲雜毒故雖勵身心

不得往生○何以故者懲問言也是懲雜毒
虛假之行不生之由○正由等者是其答也
言彼淨土起自弥陀因行果報因中所修皆
是真實故欲生者可真實也問凡夫心者本
是不實爭齊彼佛所行真實答以歸佛願名
真實也尋佛因中真實心相唯歸佛心今又
可同能修行者於其心者比彼佛心雖有淨
穢善惡等差歸佛願者發真實心此心雖似

凡夫所發是為佛智所施心故云真實心更
非衆生隨情心故令等同也凡於今文解其
真實有二重釋一者因中行道真實二者凡
所施為趣求也初地載行次以彼行施衆生
故衆生行之契當如來因中願故是非凡夫
所發之心併為如來利他之心是故欲生歸
佛不用自力虛假雜毒之善○施為趣求配
當二利施為利他趣求自利是常義也今有

文點施爲名目不依用之凡所施者是如來
施佛是能施爲趣求者是約行者佛道趣求
是則對佛衆生所施是以如來施與之行即
爲衆生趣求之行能所雖異俱是如來利他
行故謂之真實○言亦皆者上因位行即今
所施上云佛行今云所施能施佛行所施行
躰共是真實故云亦也○又真等者重釋真
實於中有三一者總就捨惡修善解真實義

二就三業別明欣厭三就善惡結真實義其
文易見問標有二種不釋利他真實云何答
學者雖存種種之義且依當流一義意者上
來所言所施真實趣求真實今所標之利他
真實故別不解今所言之自利真實是明尋
常真實之相是則機有上中下差若其上機
上安心上有此所爲如虎戴角但此行儀難
通諸機縱不如此契上利他真實之相有飯

佛心亦得往生煩惱賊害下機專爲正機故也○不簡等者下私解釋引涅槃經明其內外明闇之義可待其解次釋深心中○二者等者是牒經文○言深等者明能信相亦有等者顯所信事是則機法二種信心○無有等者正明不論有善無善不假自功出離偏在他力聖道諸教盛談生佛一如之理今教依知自力無功偏皈佛力依之此信殊最要

也○無疑等者若不生者不取正覺正覺既成故云無疑即得往生往不退轉一念無誤故云無慮又有二釋○初又決定深信等者是依觀經信釋迦說○次又決定深信等者依弥陀經信諸佛證即是明信三經具足信心決了○又深等者於此文中至佛弟子明依三經如此信者信順二尊及諸佛意即得自利○又一切下明利他德○若佛等者了

教不了，經論釋義其說不同，各以有義，今就分滿明其不了之義之別。○言乃至者，自又深心深信者，下四十餘行是除四重難破文中初之三重及四重初，是依佛語驗道同義。縱雖報佛化佛之說，違今佛說，敢不依信，是極成理，故除三重出第四重肝要之文，其理爲足，故省略耳。○釋迦等者，此文以下，是引教證，其文有四。初二文者，釋迦讚勸，次二文

者，諸佛讚勸。○此名就人立信等者，問所言人者，指何人耶？答解有二義。一義云，不受四重難破之意，還就其難，猶增信心，故言人者，指彼別解異學人也。一義云，不信，因位不了之說，偏信佛智，決了之語，永除疑殆，建立信心。若依此義，以佛爲人是爲能說之人，故也。言乃至者，就行已下六行餘也。雖標二行，雖舉五種，非立信行是，故除也。今爲顯明立信

正意在正定業所引又就以下文也○一心
等者總勸常念相續之相○行住等者別明
他力相續之德但就念々不捨者句有其二
義一義云此釋行者用心意樂速拋衆事一
心可勵稱名義也一義云凡夫行者此義難
得一食之間猶有其間一期念々爭獲相續
既皈佛願機法一躰能所不二自有不行而
行之理故言不捨非機策勵是法德也依當

流意後義爲本次乃至者是判正助二行得
失二行餘也於正行中上分正助以其稱名
爲正定業嘆順佛願故正行德是其最要故
今略之次雜行失義趣雖區名疎雜行其義
可足故略中間引結文也次解迴向發願心
中○三者等者亦牒經文先釋此心有二種
意自言迴向至願心也五行餘者迴因向果
今言乃至所畧是也是約自力故且除之今

他下原
古並有
力字

之所引又迴向下至大益也迴思向道是約
他明證得義問曰已下至得益也是問答也
問今此問答與深心中所致問答有何別耶
答上約無有出離之緣之機言之故就凡夫
難生之義有其四重問答之釋今問一生修
福念佛難消過現三業惡業答明佛力不思
議益上下問答差異在斯○諸佛等者先為
對治疑者偏見述於佛教有多門也○譬如

等者是舉世間淺近事相况彼佛力難思之
益○隨出等者是明所治八萬四千塵勞門
中出其一門即能遂出餘煩惱門○隨入等
者是明能治八萬四千解脫門中入其一門
即能遂入餘解脫門謂三毒中若多貪人以
無貪善治貪煩惱然後自然治瞋與癡多瞋
多癡又以無瞋無癡善根對治而後又治其
餘例以應知○若欲學解等者明學可通初

心究竟一切諸位○若欲學行等者明行須
依有緣之法有緣法者意在念佛○又白以
下是明譬喻言此譬喻或云二河譬喻或云
守護心釋於中有二初標次說々中亦三喻
合結也下一文義不能具述○又言等者重
釋迴向斯乃還相迴向意也○三心已下是
總結文此有二意一云三心廣且万善諸行
義也依之言之若具三心諸行皆成選擇集

云總而言之通諸行法即其意也一云今此
三心是約念佛一往雖有通諸行邊據實論
之自力諸行作業難成輒不可云願行既成
又得往生偏是他力念佛之利益也若約諸
行即不可云若不生者故今所言具三心者
即成正業必得往益之宗旨也同次句云別
而言之在念佛行是其義也問二義之中以
何為正答依當流意後義為本○又此等者

若依廣通諸行義者顯不限散亦通定善凡於三心有其二意初義是約定散諸機自力各別發心之義後義是約如來利他他力成就佛願利益三心大綱只示一端次所引文○敬白等者般舟讚序最初文也所言三心此非凡夫發起之心偏在如來利他善巧又依釋尊種々方便發起我等無上信心是則東岸西岸發遣招喚義也爲顯此義今引此

文次所引文問上第二卷已引今文何重出耶答雖爲同文所用既異是故重引所以前卷就行引之及稱名號下至十聲一聲等也當卷之中就信引之或云即是真實信心或云信知弥陀本弘誓願或云乃至一念無有疑心等也凡如此鈔或經釋文或譬喻等就其所用重所引用非無其例如彼要集住水寶珠之譬雖有廣畧再以出之又觀察門總

相雜畧兩觀同舉光明遍照十方世界念佛
衆生攝取不捨之文私釋同載七百五俱低
六百萬光明之計較等是也○其有得聞等
者大經流通文意○歡喜至一念者是顯信
心貞也是故此出之次要集文上卷釋也
大文第四正修念佛作願門中明菩提心行
相文也前後所舉有多譬喻今出其二前卷
所出波利質多樹之譬喻即其類也次所引

釋中卷初文同觀察門分以爲三一別相觀
二總相觀三雜略觀今釋第三雜略觀文依
真身觀光明遍照十方世界念佛衆生攝取
不捨之意釋之經文雖在定善文中是顯稱
名念佛利益彼疏釋云唯標專念名號得生
廣引三經成名號義今釋又同此文雖在觀
察門中明念佛益准彼應知次私御釋○衆
者等者總結上來諸文皆顯如來迴向成就

義耳次有二重問答之中初問答者廣舉字
訓明成三心一心之義字訓未悉勘得本文
博覽宏才可仰可信次問答者明此三心更
非凡夫發起之心如來迴向成就之故得此
信心是故名爲真實心也次答言下解至心
中所引大經上卷文者是說法藏菩薩因中
所修之行皆爲衆生得脫之因大悲迴向成
就之相○不生等者明離煩惱就此有二初

明自行次明利他明自行中又有四事今文
以下六句明離煩惱因緣○不生等者淨影
師云覺有八種如地持說一是欲覺思財思
色二是瞋覺亦名恚覺思欲瞋他三者害覺
亦名惱覺於他人所念欲加害四者親覺追
憶親緣五國土覺念世安危六不死覺謂身
不死廣集資生七族姓覺念氏族下八輕誣
覺念陵他人此八種中初二過重爲是偏舉

上比○欲想等者又同師云不起欲想瞋想害

想重複顯之上比憬興師云今即三覺之因如

次三想取境分齊方生欲等故然即不貪名

利故不生欲覺不惱衆生故不生瞋覺不損

物命故不生害覺三覺不生必絕三想上比○

不著等者又同師云內因既離外緣斯止故

云不著上比○忍力成就以下二句明法對治

同師云忍力者安受苦耐忍害察法忍也以

此忍力能忍損惱故離三覺三想上比○少欲

等者法位師云於未來不多求名少欲於現

在希望滿名知足上比○無染恚癡者明離煩

惱躰煩惱躰者即是三毒謂貪瞋癡又嬌怒

癡故法位云無染恚癡者絕三毒上比又義寂

師引般若云菩薩遠離嬌怒癡嬌怒癡不可

見故是名遠離嬌怒癡上比○三昧等者依淨

影意三昧約止智惠約觀常寂云深無尋云

勝○無有虛偽以下四句是明化他淨影憬
與同約三業故淨影云無有諂曲明離心過
言和顏者明離身過愛語先問明離口過上
勇猛之下明修善法於中有三初之四句明
無間修○恭敬三寶以下六句明恭敬修住
空已下行成修禮但今所引至恭敬修除第
三也次無量壽如來會文文言聊異意同大
經言法處者即是法藏世間自在王如來者

即世自在王佛是也間字有無兩經異耳問
釋至心中引兩經文是何意耶答如來至心
為真實心以其真心迴施衆生說佛因中真
實心相又說迴施功德之義此等經說共以
分明故引之也次所引文觀經義釋問合文
在前何重引耶答就其當要不憚重引子細
述上今又同前况有廣畧非無異歟謂上所
引三心總釋不加私釋今別自解三心之義

其中粗引本文之言不及廣博是與前異問引涅槃經證何事耶答真實心者如來之意不關衆生爲證此義引此文也○釋云不簡明闇等者是又同依涅槃經說解其內外明闇之義弥陀妙果無上涅槃念佛即是涅槃之門是故雖說聖道教理悉有佛性如來常住甚深極理唯是弥陀如來果德聖人賢慮併存此義仰可依信勿懷疑慮次信樂中○

即以利他迴向等者問至心信樂欲生三信其相各別何釋至心爲信樂躰又貪愛之心常能等者是迴向心之譬喻也又下或云急作急修或云衆名雜毒等者至誠心釋何猥混亂三心解釋答開爲三信合爲一心仍有三心一異之義是故爲標三心即是一心之義故綺三信彼此之文所被釋也次之所引二文之中後文雖爲異譯經說如前卷述依

梵本同言又云歟次涅槃經文有三段就初
文中云佛性者名大信心又下說云大信心
者即是佛性其大信心即是如來廻向利他
信心此是證得往生必至涅槃之真因也一
切依此他力往生清閑一道咸皆可顯凡聖
齊圓之妙理故一切衆生悉有佛性其佛性
者即今信心深得此義引用此文一子地者
初歡喜地安養報土衆生者皆是阿鞞跋

致之位往生之人即登初地證悟無生涅槃
醍醐真常之說潛契其義次所引文菩提妙
果信心爲因又顯淨土真實信心後所引文
此有二重共明信不具足之義翻此可知信
心具足故案文意上就聞思所生解信具不
之義信心若從思生可名信心具足下文意
者就所得道與能得人解具不義又若信有
得道之人各之應言信心具足次華嚴經又

有三段初有五言一四句偈問引此經文有
何要乎答今經文意粗會歡喜信樂之說又
順無疑無慮之信是故爲助歡喜信樂深信
之義被引之歟但雖彰灼不說弥陀淨土利
生其意潛通又天台云初後佛惠圓頓義齊
上華嚴之意又不可違隨而普賢十願之意
所勸專在安養往詣依此等意法華華嚴以
下諸經皆隱顯彼弥陀利生上人深解一代

諸教皆顯弥陀大悲利益得此等意可見諸
文後所引文此有七言四十七行九十四句
所舉偈頌句數雖多信爲根本皆嘆其德今
引此文其意在斯但諸句中雖有所嘆非其
信心展轉勝利併爲信功下一句義其意可
見次論註文文言雖少此有二段二文共是
下卷釋也其中上文讚嘆門釋下文末後結
文而已次願成就文此非全文次所引文文

言如前次淨土論此有三段初文引在第二卷中但還相者以下釋文今引加之於中自初至悲心故是本論文迴向以下是註釋也次所引文下卷卜重解義分中第四淨入願心釋也又向說下至云應知是本論文應知者下又註釋也言淨入願心者淨者三種莊嚴其躰無漏即是果淨言入意者酬入因位願心義也願心即是四十八願躰亦無漏即

是因淨六八願心其因淨故三種莊嚴其果亦淨後所引文同第十重利行滿足本論文也此文註釋在第二卷重釋之初故就彼文加愚解訖次所引文迴向心釋在上所引三心釋中上者總引廣且三心今者別引限迴向心真知以下私御釋中問道路差別大小難思如字訓者路有大訓殆可配當勝義云何答如此解釋依一分理一往配釋是常事

也不可一攬但思今釋道者理也又云道義
又有衆妙所寄之文依此義故釋云本願
實直道路字雖有大訓未及道字之訓故有
此釋言言四五寸等者問四五寸者白道分
量其白道者是信心也其躰清淨其性真實
五陰四大躰性相異似有法譬不齊之過云
何答此疑難決且述一義彌陀名號念佛三
昧廣大善根無上法也故華嚴云修大善根

念佛三昧大經說云一念大利無上功德要
決釋云故成大善不廢往生十因判云即成
廣大無盡善根自餘文證不遑具舉依之今
師云大信心云大信海所行行躰是大善故
能信信心亦復廣大何況三心即菩提心安
樂集釋菩提心云此心廣大周遍法界此心
長遠盡未來際上當知所言信心白道廣大
無邊實無邊際就此思之凡夫行者所發信

不由他力故是雖廣大貪瞋覆故謂其心微
實非狹小是於四大五陰所成凡身之上所
發心故云四五寸若依此義有此釋歟是以
愚推致此料簡請後學者用否在心次觀經
義文有三段就今信心名金剛心皆引其證
於中初文是玄義分勸衆偈文○金剛志者
總而言之廣通三心具三心者必得橫超四
流益故別而言之此約深心深心釋云此心

深信由若金剛是其證也○言四流者三界
見思諸惑是也一者欲瀑流有二十九物五
部三毒四諦下疑十纏是也言十纏者無慚
無愧嫉慳悔眠掉舉惛沈謂之八纏加忿與
覆云十纏也二者有瀑流有二十八物色無
色界五部貪慢同界四諦各有疑也三者見
瀑流有三十六物苦下有五所謂身見邊見
戒取見取邪見集下有二除身邊戒滅諦所

除全如集諦道下有二加戒爲異合爲十二
三界皆同故有此數四無明瀑流有十五物
是以三界五部之癡合成此數謂之百八煩
惱而已是名四瀑流俱舍論意也○正受等
者同偈文也問歸三寶得普舉因分果分諸
位歸佛僧中爲舉極果先舉因位顯其轉勝
果得等者指其極位即妙覺也正受等者舉
其因位所謂正受金剛心者金剛喻定是入

妙覺之無尋道相應等者依大品意即以
念相應之惠斷餘殘習云正受等云相應等
皆是指彼等覺後心果得等者此即妙覺是
解脫道而今何證薄地凡夫所發信心類此
等覺金剛心乎答如載難勢等妙二覺佛僧
二寶說相皆然但今所出更非混亂等覺菩
薩斷除四十一品無明證悟四十一分法性
住金剛心相應一念入其妙覺極果之位凡

聖異淺深雖殊論其功用共爲金剛心之勝
利仍今引之宜得其意次所引文疏序分義
欣淨緣釋此釋觀經願我未來以下經文之
解釋也此金剛志歸釋尊心彼三心者歸彌
陀心二尊雖殊其心是同故今引之後一句
者定善義釋解寶池觀渠下皆以雜色金剛
以爲底沙之文釋也上具文云明渠下底沙
作雜寶色此所引文此此文雖釋依報勝德金剛

躰性彼此不異是故引之私料簡中○真實
信心必具等者問所發信心縱爲真實何必
其中具足名號又六字中言南無者即是歸
命即是安心何云名號不具願力信心答言
信心者是能歸心對所歸法所發信也故發
信心必具名號是則經云發三種心即便往
生是其義也若不具行既同唯願何得往生
既往生因方知發心必具名號是故今云真

實信心必具名號又縱唱名若無信心難得
往生經云至心信樂欲生依信可生其理灼
然稱名之人未必悉具真實信心又是現量
故有此釋云不簡等云不謂等明不簡幾十
方衆生無所簡故○不問等者明非依罪不
得往生○不論等者明生不由自力之功散
善義云不問時節久近法事讚云無問罪福
時多少等是其意也○非行等者問稱名念

佛既是正行又是大行何云非行既是勝善
又是大善何云非善既是頓教何云非頓既
是散稱何云非散本非觀念何論邪正既有
所念何非有念尋常臨終共修行時何皆云
非多念一念俱許往生何各云非答名號雖
爲大行大善是所行法今能信心是故且云
非行非善言漸頓者是約宗旨不關信心故
亦云非言定散者此有二意一者指法二者

難原古
並作雜

指心今亦指心但就指心非定散者所言信
心為散心故且云非定而有念佛三昧之名
三昧定故且云非散故觀念法門云若得定
心三昧及口稱三昧者心眼即開見彼淨土
一切莊嚴說無窮盡也上已又云言三昧者即
是念佛行人心口稱念更無難想念念住心
聲々相續心眼即開得見彼佛了然而現即
名為定亦名三昧上口稱之力已見彼土依

正二報故約見佛有非散義縱無眼見必有
心見縱現不見臨終之時及順次生必定見
佛有此義故有三昧名約此理故云非散也
言非正觀非邪觀者如截問端本非觀心故
顯不關邪正之義言非有念非無念者雖為
有念不偏拘有雖非無念不滯有念是則為
遣世俗人謂淨土宗意是有相教故為權乘
之邪見故言非有念非無念也依之長蘆蹟

禪師蓮華勝會序云夫以念為念以生為生者常見之所失也以無念為無念以無生為無生者邪見之所惑也念而無念生而無生者第一義諦也上蓋有念佛三昧還源要術示開往生一門所以終日念佛而不乖於無念熾然往生而不乖於無生且又正觀記解經一心不亂之義出事一心及理一心約事一心是為散心約理一心是為定心是叶非

定非散之義又則亦定亦散義也甚深之義和會得意言非尋常非平生者若約臨終遇善之機此非尋常若約平生業成之機是非臨終不謂尋常不論臨終只逢佛法時節分齊故共云非言非多念非一念者其多念者是尋常機其一念者是臨終機望其機故言之互非准上應知○滅智愚毒者問毒可限愚何且智耶答一向無智平信尚足若對小

智又有邪智還生謬解自障往生嫌此障故
如此釋也○然就等者此有二雙四重之釋
所謂豎出豎超橫出橫超是也所立差異在
文可見又第六卷及愚禿鈔委有此事可見
彼文問今之名自出何典耶答樂邦文類第
四桐江擇瑛法師辨橫豎二出文云豎出者
聲聞修四諦緣覺修十二因緣菩薩修六度
万行此涉地位譬如及第須自有才學又如

歷任轉官須有功效橫出者念佛求生淨土
譬如蔭叙功由祖父他力不問學業有無又
如覃恩普博功由國王不論歷任淺深於橫
出中有定散二善故善導和尚立專雜二修
雜修者謂散謾修諸善業廻向莊嚴也專修
者身須專禮阿彌陀佛不雜餘禮口須專稱
阿彌陀佛不稱餘號不誦餘經究竟須專想
阿彌陀佛不修餘觀若專修者十即十生百

即百生若雜修者百中或得一兩人生千中
或得三五人生今見世人有一日禮阿彌陀
佛三千拜者日稱阿彌陀佛十萬聲者有晝
夜專想阿彌陀佛者并有感應斯可驗也上已
本依斯釋又加私義問如今釋者唯有二出
不載二超故豎出中不分權實普攝諸教橫
出之中不辨淺深總約淨教是則定散專雜
等也何加二超而違彼說答於聖道門有三

乘家有一乘家三乘教意不分權實一乘教
意專存權實今依一乘可有差別仍立堅超
別爲速疾成佛一門又聖道意雖立淨教不
及定散弘願分別又無正助二門差降依宗
家意既分其差隨而釋中有橫超言依之擇
瑛橫出之言與高祖師橫超之言接合彼此
橫一門中出名權教迂迴之教超象實教速
疾之道又對橫超豎中可有超義之故有此

分別乍守本說而開義門巧叶兩師所立名
義尤可依憑次論註文下卷解義分中第五
善巧攝化章之釋也名曰善巧攝化意者以
巧方便迴向善根攝化衆生之義而已○三
輩生中等者問壽觀兩經是開合異而觀經
中說未來發心往生之人謂九品中中三下
三六品是也壽經三輩共說發心相違如何
答雖有異義且一義云大經說相順常途說

宋字原
古並無

聖道諸教皆談發心得道義故觀經之中說
未發心皆得往生由佛力故諸師所立其義
不同不能具述問註家之意許此義耶答此
有二意一不許也今釋或云莫不發皆菩提
之心或云若人不發菩提心故二所許也唯
嫌三不正許三信往生故也就第二義可有
即云大經所說菩提心者則指三信之義趣
也因問宗家之意依何義耶答許未發心之

人往生是爲凡夫濟度弘願本意故也○凡
釋迴向名義等者其意可見安樂集下云釋
迴向名義者但以一切衆生既有佛性人人
皆有願成佛心然依所修行業未滿一劫
已來猶未出火界不免輪迴是故聖者愍斯
長苦勸迴向西爲成大益然迴向之功不越
於六何等爲六一者將所修諸業迴向弥陀
既至彼國還得六通濟運衆生此即不住道

也二迴因向果三迴下向上四迴遲向速此
即不住世間五迴施衆生悲念向善六迴入
去却分別之心迴向之功只成斯六已今論
註文與今迴向第五之義其意同也次元照
釋文有三段共弥陀經義疏文也初解諸佛
互讚之中諸佛稱讚釋迦佛德即言能爲甚
難希有之事經文之釋文也次文者解有二
難中說法難云說是一切世間難信之法經

文之釋文也後文即出彼二難釋問後釋是
爲初釋次詞尤可相隣承前下爲次釋末詞
是顯實文何共不加一具文段各隔別文前
後引耶答誠似難思但加推義先初文者甚
難希有之經文中含此二難是故疏主於其
科下有此解釋而第一難是佛自利第二之
難是佛利他其利他者說此一切世間難信
念佛是也是故五濁惡世成道唯是爲說此
難信法爲顯此義說法難下故被加歟次顯
實文舉前二難下相次有便可思擇之次用
欽釋釋上義疏解法難文是故引之次聞持
記戒度律師解彼疏書今所引者釋上所
用
本書文言今疏爲疎記釋爲註爲令易解所
載如此次樂邦文類後序無爲子作今所引
者最初之詞此奧猶有十七行餘不及具載
有志之人可尋見之

六要鈔第三 舊本

六要鈔第三 舊本

夫按真實信樂等者是私御釋上第二卷言
有行一念及信一念證行一念出流通文今
至當卷證信一念出第十八願成就文及諸
文等其意可見次所引文涅槃經者出彼聞
不具足之文示聞具義是顯聞者非只觸耳
能聞佛願生信解義故引此文顯其義也○
聞不具足有三重釋初依部數次嫌不讀為

他解說後嫌諍論名聞利養諸事意樂○橫
超五趣八難等者是明如來本願威力他力
信心之勝利也言五趣者五道如常言八難
者律名句云一、地獄二、餓鬼三、畜生四、長壽
天五、北洲六、佛前佛後七、世智辨聰八、諸根
不具上已章安大師仁王私記其說聊異初四
如前五邊地六、諸根不具七、邪見八、不見佛
也○十種益者問依何經論立此益乎答依

諸經論并師釋意取要立之廣論無限第一
冥衆護持益者如彼觀念法門所明現生護
念增上緣益謂彼文云佛言若人專行此念
弥陀佛三昧者常得一切諸天及四天大王
龍神八部隨逐影護愛樂相見永無諸惡鬼
神灾障厄難橫加惱亂上已此釋是依般舟經
說第二至德具足益者大經下卷流通文云
當知此人為得大利即是具足無上功德是

明其益第三轉惡成善益者觀經下品中生
中說猛火變為清涼風等其證也第四諸佛
護念益者弥陀經說是諸善男子善女人皆
為一切諸佛共所護念等其文也第五諸佛
稱讚益者大經上云至其然後得佛道時普
為十方諸佛菩薩歎其光明亦如今也上已雖
說當益理可及現又觀經云若念佛者當知
此人是人中分陀利花上已釋尊嘆之諸佛宜

同觀念法門云即是閑絕六道生死之因行
永開常樂淨土之要門也非直弥陀稱願亦
乃諸佛普皆同慶第六心光常護益者觀經
云光明遍照十方世界念佛衆生攝取不捨
上已觀念法門云彼佛心光常照是人攝護不
捨上已第七心多歡喜益者或云至心信樂或
云歡喜踊躍得真實心之時必可歡喜義也
第八知恩報德益者觀念法門引般舟經明

此念佛三昧有四事助歡喜即言三世諸佛
持是念阿彌陀佛三昧四事助歡喜皆得成
佛是也又法事讚或云碎骨慚謝阿彌師或
云碎身慚謝釋迦恩明必可報二尊恩義皆
其意也第九常行大悲益者如當卷下所引
用之大悲經說是其義也第十入正定聚益
者第十一願所說益也本是雖說處不退位
現生之中且得其益是則如來攝取益故故

龍樹尊十住婆沙判云即時入必定也次論
註文所引有二初文下卷善巧攝化章段釋
也如前所引彼者廣引此者略舉證菩提心
即為淨土信心義也次文上卷莊嚴身業功
德成就釋文之下就觀經說諸佛如來是法
界身乃從心想生有其問答答中言也上舉
水像譬今出木火喻各顯凡心及其佛心不
一不異之義趣耳但此釋意尤可措心不必

此念佛三昧有四事助歡喜即言三世諸佛
持是念阿彌陀佛三昧四事助歡喜皆得成
佛是也又法事讚或云碎骨慚謝阿彌師或
云碎身慚謝釋迦恩明必可報二尊恩義皆
其意也第九常行大悲益者如當卷下所引
用之大悲經說是其義也第十入正定聚益
者第十一願所說益也本是雖說處不退位
現生之中且得其益是則如來攝取益故故

龍樹尊十住婆沙判云即時入必定也次論
註文所引有二初文下卷善巧攝化章段釋
也如前所引彼者廣引此者略舉證菩提心
即爲淨土信心義也次文上卷莊嚴身業功
德成就釋文之下就觀經說諸佛如來是法
界身乃從心想生有其問答中言也上舉
水像譬今出木火喻各顯凡心及其佛心不
一不異之義趣耳但此釋意尤可措心不必

一切知此深理可願往生只顯於法有其功能其功能者即是弥陀法界身故發歸命心機法不離必得往生次大師釋定善義文解同經文其意可見次止觀文明菩提心是則亦顯聖道淨土大菩提心其相似異和會是一言菩提者所求之果心能求心終不違故○橫超等者二雙四重教相如前大願清淨報土等者問彼淨土中品位淺深經說分明

今釋如何答如載今文三輩九品橫出教意所生之土是化土也今明真實報土之相般舟讚云不覺轉入真如門法事讚云未籍思量一念功是恐可謂自然流入薩婆若海之深義歟又同讚云正門即是弥陀界究竟解脫斷根源已既言究竟盡言極果但言無上正真道者有分證位有究竟位若依差別門且可約分證若是初地若是初住依宗教意

可有差異若依平等門即可約極果往生成
佛雖始終益時無前後是同時故言橫超者
異彼自力次第堅斷證入稱也次大經文所
引有三初文上卷次上文云時彼比丘聞佛
所說嚴淨國土皆悉覩見下如上下合為聞
法發願於中上文聞法見土今文正明發其
勝願義寂師云此時法藏雖未登初地然由
佛力亦得暫見故超發無上殊勝願者正發
願也此時既在解發心終於世間中更無有
上因此便能得入證位故云超發無上勝願
已次文是又同重誓偈最初二句是明法藏
發願文也依義寂意初一行判望滿願果○
問超世願者指何願耶答諸師不同影興二
師別指攝身攝土五願寂意通指六八之願
此中須依義寂之意若限身土除第十八違
佛意故依集主意廣且六八略指十八凡夫

濟度別意弘願超諸佛故云超世也後文下
卷勸修益文○必得等者義寂師云若能精
進持於五善則能必得超五惡絕五痛去五
燒往生安身養神之國○橫截等者又云若
就穢土下三爲惡人天爲善今對淨土五皆
名惡一得往生五道頓去故云橫截往生不
期去惡生者惡自然杜故言惡道自然閉上
昇道等者又云一昇無爲之道終功無有窮

極十念專志必得往生故易往也百千人中
而無其一故無人也○其國等者又云非
其國逆違令人不往但自然業牽不得往耳
已又憬興釋易往以下如第一卷就引彼釋
出前後文粗解之取次大阿彌陀經文者言
有增減其意全同次私御釋○言斷等者由
佛力故雖未斷惑頓絕生死速證無生依此
義故言之斷也是則解上橫超斷義次二經

文所引之意是證四流即爲生老病死之義
只云生死云生老死文字雖少各攝餘苦彼
此廣畧開合異也四流名目如當卷本次大
師釋其文有二初般舟讚後序始文是就穢
淨勸其厭欣○言凡夫生死者是指分段生
死凡夫執著輪迴生死是故誠言不可不厭
弥陀淨土菩提寶所愚人輕慢遠離涅槃是
故勸言不可不忻○形名等者是顯頓證無

生之理下文判云唯佛與佛得知本元現生
之中且契其理往生之後宜顯其德○次釋
禮讚前序終文上明專修雜修得失今就專
修勸進信行○善自等者言願涯分一本爲
已今已爲正○上在等者大經說云一世勤
苦是則不知後樂迷以一旦策勵爲苦此非
實義故云似如○前念等者明得往生利益
速疾或云如彈指頃即生彼國或云如一念

項即生彼國是其義也但我上人別存一義
愚禿鈔云信受本願前念命終即得往生後
念即生上已是就平生業成之義所顯橫超頓
速益也○言言真佛弟子等者散善義意隨
順二尊諸佛之意故有此名般舟讚意以行
佛語生安樂土又得此稱彼此二文同以淨
土修行之人名真佛子尤可信仰○由斯等
者問應言可得往生之益何云超證大涅槃

耶答往生初益涅槃終益亦依生即無生之
義往生即是涅槃極理是故從勝云證涅槃
是依必至滅度意耳○次大經二文三十三
四之兩願也第三十三者觸光柔輒願問光
明功德在第十二何重願耶答彼攝佛身即
為光躰此攝衆生即為光用躰用異故二願
是別○蒙我等者平等覺經大阿彌陀共云
見我蒙約冥應見約顯益但雖言見約心見

者同屬真利此願正顯如來無瞋善根之利
是歡喜光所照益也問光明所治限瞋恚耶
答就言柔輭雖蒙無瞋兼復可攝無貪無癡
所以知者成就文云遇斯光者三垢消滅身
意柔輭歡喜踊躍比柔輭歡喜就願意顯說
無瞋益三垢消滅顯其消滅廣且貪癡問於
身與心論柔輭義差別如何答依論註意佛
以三業治諸衆生虛誕三業既治三業身心

共得柔輭益其義分明論註下云衆生以身
見故受三途身卑賤身醜陋身八難身流轉
身如是等衆生見阿彌陀如來相好光明身
如上種々身業繫縛皆得解脫入如來家畢
竟得平等身業又云衆生以邪見故心生分
別若有若無若非若是若好若醜若善若惡
若彼若此有如是等種々分別以分別故長
淪三有受種々分別苦取捨苦長寢長夜無

有出期是衆生若遇阿彌陀如來平等光照
若聞阿彌陀如來平等意業是等衆生如上
種々意業繫縛皆得解脫入如來家畢竟得
平等意業已二文如次明身心益問今解釋
中無柔軟言如何答柔軟之言且雖約顯廣
論不遮貪癡二惑今解釋中解意業益不言
柔軟只明繫縛解脫之德是知此義即是柔
軟准之可知身業所明繫縛解脫同爲柔軟

問如來所治且三業者經文何故不舉口業
答唯是文畧義必有之以口攝身即開合耳
或云色心或云身意口是身攝又色攝也可
信其益普涉三業故論與註同且三業嘆其
功德註釋莊嚴口業德云衆生以憍慢故誹
謗正法毀此賢聖捐斥尊長如是之人應受
拔舌瘖瘂苦言教不行苦無名聞苦如是等
種々諸苦衆生聞阿彌陀如來至德名號說

法音聲如上種々口業繫縛皆得解脫入如
來家畢竟得平等口業上問蒙攝取益十二
當願何願益耶答一佛光明更無所隔兩願
利益強不違害但第十二攝法身故約佛自
利第三十三攝衆生故約佛利他故攝取益
就利他邊且約當願其義有便是故憬興當
願名云蒙光獲利寂云光明攝益之願兩師
立名其意在斯第三十四聞名得忍願問唯

聞名力直得無生縱雖佛願難信如何答四
十八願皆不徒設既是佛願何抱疑惑若疑
此願餘願亦然縱雖但聞唯可仰信况聞名
者即可稱名何以得知次下女人往生之願
雖說聞名觀念法門引此願云稱佛名號尤
可准據問所被之機言衆生者凡聖中何答
此是凡夫衆生之名雖通凡聖於其聖者皆
云菩薩今云衆生只是凡夫問所言無生何

位得耶答地上無生但或初地或第七地得
無生位雖有異說共地上也問當卷之中引
此二願有何意耶答先引上願觸光柔輭是
光明益蓋依光明名號勝利得其往益爲肝
要故禮讚釋云以光明名號攝化十方上已
黑谷三部經講釋云光明之緣名號之因因緣
和合而蒙攝取不捨之益上已次願同說聞名
益故問說聞名益非但此願其數多之何限

引耶答引多引一其義無妨不盡聞名此難
無盡而無生忍行者所期就其勝益殊引之
歟次如來會文意同大經彼說柔輭此云安
樂安樂即是柔輭之義廣且三業其義應知
次大觀等經文雖或上引或下引之若略一
句若拔一言助成上文讚揚而已○其有等
者下卷之中佛告弥勒之下勸人修捨文也
義寂師釋同科段云此即勸令修習無染清

淨心比○智慧明達功德等者其德先指生
後之益但亦可有通現生義若約其義非謂
念佛修行之人可必獲得智慧功德謂其頓
斷生死之功義當得智得功德也次安樂集
上文所引總有五段置乃至言示其文別最
初文者第一大門作九門中今文第二章段
釋也又當章中有六之內今文初依大集經
說仍集正文方軌者下大集經上見有於中

有六第一等之六字初之所引四行餘者是
其釋也次乃至者略上卷終并下卷始故有
此言次文下卷大門第四有三番中二引彼
此諸經多明念佛三昧為宗之中有八番釋
今文其第三番依涅槃經文也○而作等者
見或一本以作為住若依作義諸佛世尊為
其行人且受供養且施利益若依住義諸佛
世尊住其人邊如前受施今文彼經第十八

卷取意文也次乃至者同八番中此除第四
第五兩番次依智論第六番文依之本中依
大之下有第六之字今文彼論第七卷中取
意文也次文上卷第三大門有三番中第一
期發菩提文又有四番其中第一出菩提心
功用初文○大經云者指三輩文現行本文
聊有其異周遍法界或云遍周又法界下更
有二句此心究竟等若虛空八字是也○傾

無等者言斷無始輪迴苦報止觀一云善惡
輪環弘決釋云善通非想惡極無間昇而復
沉故名爲輪無始無際喻之如環已此文前
後各言乃至就上乃至問准常途儀言乃至
者於若一段若一部中略中言也今引大經
釋文上卷上引智論釋文下卷逆次引用錯
亂之上乃至之言其義難思如何答所難誠
然但試解之上下乃至共對所引大悲經文

彼文下卷第五大門有四番中第一沆明修
道延促欲令速獲不退之中引多經說其一
文也但中間引上卷文意大論所明念佛三
昧與大悲經相續念佛是一法故其二文中
舉菩薩心爲顯此心信行念佛之信心故中
間引之被上下也後文之中○若專等者是
約自利明往生益○若能等者是約利他明
大悲益次大師釋總有八文初釋之中○唯
恨等者誠疑勸信示其冥應自然不忤忤玉
篇云五故切通也○莫論等者是顯念佛必
預攝取不求自益意在等者言佛願意唯在
專心決定廻心○言專心者即是一心專念
心耳次文是讚弥陀佛恩出苦娑婆徧如來
恩次文是嘆釋迦佛恩○言本師者教主釋
尊依二尊力得往生益爲勸報恩引此二文
次文初夜禮讚偈也○佛世等者總明難遇

佛出之世兼含佛法難遇之意依大經云如
來興世難值難見諸佛經道難得難聞菩薩
勝法諸波羅蜜得聞亦難之意故也○遇聞
等者別明難遇淨土之法○希有法者弥陀
教也依同文云遇善知識闡法能行此亦為
難之意故也○自信等者是明自信教他共
在真報佛恩上云能行其言中含自利々入
之二益也次同日中真身觀讚○唯有等者

問經文只說念佛衆生攝取不捨無遮餘言
何云唯耶答次下句云本願為強可知此云
唯有之義如來本發深重願時選捨諸行不
為本願選取念佛獨為本願因位本願既遮
諸行正覺心光利益何違所捨行故不照餘
行所取行故唯攝念佛彼此行人攝不應知
故於此讚出三經說初二句總標當觀說唯
有一句別就當觀示攝取益限在念佛○當

知等者明大經意○十方等者依小經意○
專稱等者別指小經總明三經名號為宗○
十地等者是明衆生本有具德至法性土方
可顯現是顯十地究竟之德更非本無今有
之德若依酬因感果之理論其自力修入之
義可云成歟不可云彰又不可云自然而已
次文觀念法門釋也此文同依真身觀意上
文云唯此釋云但雜業行者不蒙照攝念佛

行人獨得光攝深解經意解釋分明○言心
光者此非光分身相心想其躰各別只就義
門直得其意以佛慈悲攝受之心所照觸光
名之心光是念佛行相應佛心其佛心者慈
悲為躰是以經云佛心者大慈悲是以無緣
慈攝諸衆生是故照觸稱名行人之大悲
光得心稱耳准之私案觀佛三昧所觀所見
之光明等可預身光之名者耶次所引文序

分義中示觀緣釋○言心等者約觀成相但
雖外標觀門之益內顯念佛所得之益所以
知者云清淨業先約懺悔雖釋清淨後就念
佛滅罪之義釋清淨義則彼文云依下觀門
專心念佛注想西方念々罪除故清淨也上
其機又云煩惱賊害失此法財是顯念佛所
被之機故知所得無生之益是又可在念佛
之益故云踊躍云因此喜云得喜忍是顯信

心歡喜得益言悟忍者悟佛智故言信忍者
即是信心成就相也上入當卷被引此文更
不被備觀門之益是依念佛得益之邊所被
引也○此乃等者玄後先正說舉其利益令人
悟之故云玄談○未標等者雖言得忍未明
分齊故云未標○勇猛等者且就觀法修行
相自勸其策勵智度論云禪定智惠非精進
者不成上已蓋此義也○此多等者雖為薄地

信外凡夫令依他力超絕強緣成就信根故
就得忍謂之十信是故上人正信偈云與韋
提等獲三忍即證法性之常樂下文亦云獲
金剛心者則與韋提等即可獲得喜悟信之
忍○非解等者是嫌古來諸師義也次散善
義流通分中有其七內第四段文正顯等者
能得佛意深探經旨嘆念佛德超餘雜業定
善義云自餘衆行雖名是善若比念佛者全

非比校也今文亦云實非雜善得爲比類二
尊正意大師高判念佛諸行勝劣且知○分
陀利者蓮中好花西天翫之如此櫻梅是故
以之喻今行人懷興師云分陀利花即白蓮
花水陸華中最爲尊勝依大日經蓮花有五
一鉢頭摩二優鉢羅各有二色謂赤與白三
俱勿頭亦有二色謂赤與白四泥盧鉢羅此
花極香從牛糞生五分茶利迦葉葉相承圓

整可愛最外葉極白內色漸微黃此花極香

○言蔡華者是蓮花名依論語意蔡者龜也

意龜所遊之花故即云龜其躰蓮花華中蓮

勝蓮花之中此花殊勝宜哉此華經為題目

佛亦為眼豈比九種而佛世尊以念佛人譬

此好華尤足為奇妙法蓮花雖有當躰譬喻

二義其所行法令觀經說嘆能行人若約所

行定亦應同能所雖殊恐顯弥陀妙法同躰

之深旨歟又涅槃云是人中蓮花芬陀利花

上而彼文意譬佛說之准之思之念佛行人

即備如來功德義分此喻如彼深香人身有

其香氣是則今此弥陀名號自彼法性無漏

果德所流出之妙好香也唱之念之薰口薰

心不知自有無量功德香氣故潛備佛

功德氣分是故信知弥陀五智功德稱念名

號本覺心蓮冥漸生長開發諸法無生甚深

一分理也尤可貴之○即入等者即是往生
即為始益○道場等者即是成佛即為終益
問如經文者先云當座道場初說成佛之果
次云生諸佛家後舉往生之益今釋前後相
違如何答經依從果向因之義釋存從因至
果之意影畧互顯其義炳然次文龍舒淨土
文也龍舒所名王日休者字是虛中云王虛
中此是儒士國學進士但今引文非日休言

此淨土文三人加跋其中最初所加參政周
大資作而今直言日休云者是言總也例如
經中雖有其言為弟子語總云經言意云日
休所作文云不著作者只省略耳○言謂彌
勒菩薩等者漏出品云我等住阿惟越致地
於是事中亦所不達已彌勒菩薩釋尊付屬
當來導師衆所歸仰謂所得地何惟越致念
佛行者更無自力修行之功只以南無他力

一念往生之時所得同為阿惟越致嘆此奇
特是故引之次大經文廣說此土他方佛土
及無量土大小菩薩皆乘佛智往生彼土於
中今初明大菩薩往生文也○此世界者即
是娑婆次文易見又言如前次用欽釋是嘆
往生即至不退速登一生補處益也次私解
釋問如上所引龍舒文者弥勒菩薩現在所
得阿惟越致不退之位念佛行者生安樂土

同得彼位弥勒現益行者當益其位相同故
云便同而今釋者弥勒所得行者所得彼此
共約極果當益其意如何答以前料簡其意
實尔但今釋意弥勒菩薩今居等覺補處之
位當來可唱三會正覺念佛行者今雖薄地
往生之時便至地上分證涅槃常樂之理論
註云不斷煩惱得涅槃分已般舟讚云一到
則受清虛樂清虛即是涅槃因已往生禮讚

云即證彼法性之常樂已分極雖殊閑悟是同前後領解各有其意次智覺禪師作神棲安養之賦載在樂邦文類第五彼賦總有四百二十一言其中今此所引十字其結句也次上句云其或誹謗三寶破壞律儀逼風刀解體之際當業鏡照形之時遇善知識現不思議劔林變七重之行樹火車化八德之蓮池地獄消流湛爾而怖心全息天華飛引俄

然而化佛迎之慧眼明心香爐隨手應識而蓮華不萎得記而寶林非久日上如又初句云彌陀寶剎安養嘉名處報土而極樂於十方而最清二八觀門修定慧而冥往四十大願運散心而化生尔乃畢世受持一生歸命仙人乘雲而聽法空界作明而讚詠紫金臺上身登而本願非虛白玉毫中神化而丁心自慶已繁不悉引聊出冠履次元照釋同文

類三無量院造彌陀像記凡有六百五十字
中今此所引中間九十二字是也○言嗚呼
者傷嘆聲也次上詞云或束縛於名相或沉
冥於^不豁^達故有^不貶^念佛^為鹿^行忽^淨業^為小
道^執偶^自蔽^盲無^所聞^雖聞^而不^信雖^信而
不^修雖^修而^不勤於是淨土教門或幾乎息
矣^已念佛^為鹿^淨業^為小^不信^不勤^所痛^在
斯○明教等者三大部中就彼玄義文句言

之一代高覽數三五返五時八教一宗恢弘
至天台來分別熾盛是故世舉稱其十德明
其教相智解應知就觀言之依止觀意止觀
明靜前代未聞圓頓實相一念三千說已心
中所行法門觀解明了亦以可知○臨終等
者靈應傳一天台大師別傳中云唱二部經
為最後聞惠聽法華竟讚云法門父母惠解
由生本迹廣大微妙難測^乃聽無量壽經竟

讚曰四十八願莊嚴淨土華池寶閣

瑞應刪傳云寶

樹易往無人火車相現能改悔者尚復往生

况吾戒惠薰修耶至乃如入三昧以大隋開皇

十七年歲次丁巳十一月廿四日未時入滅

已問此文之中唯讚大經云舉觀經有何據

乎答此文中云火車相現改悔往生由此文

故云舉觀經○讚淨土者讚雙卷云四十八

願莊嚴淨土之文意也○達法等者法界唯

心花嚴經意隋朝終南杜順法師能達經旨

是故云尔彼花嚴宗震且弘通五師之中立

為初祖此後智儼法藏澄觀宗密而已○參

禪等者智覺禪師雖禪大祖念弥陀佛欣西

方國造安養賦心行可知又有所造所謂萬

善同歸集是彼第二云問唯心淨土周遍十

方何得託質蓮臺弃形安養而興取捨之念

豈達無生之門欣厭情生何成平等答唯心

佛土者了心方生如來不思議境界經云二
世一切諸佛皆無所有唯依自心菩薩若能
了知諸佛及一切法皆唯心量得隨順忍或
入初地捨身速生極樂佛土故知識心方生
唯心淨土著境祇隨所緣境中既明因果無
差乃知心外無法又平等之門無生之旨雖
即仰教生信其奈力量未充心浮境強習重
須生佛國以伏勝緣忍力易成速行菩薩道

起信論云衆生初學是法欲求正信其心怯
弱以住娑婆不常值佛信心難成意欲退者
當知如來有勝方便攝護信心謂以專意念
佛因緣隨願得生佛土常見於佛永離惡道
若人專念西方阿彌陀佛即得往生常見佛
故終無有退往生論云遊戲地門者生彼國
土得無生忍已還入生死園教化地獄救苦
衆生以此因緣求生淨土十疑論云智者熾

然求_レ生_ニ淨_ニ土_ニ達_ス生體不可得即是真無生此
謂_ニ心淨_ニ故_ニ即_ニ佛上淨_ニ愚者為_レ生_ニ所縛_ニ聞_ニ生_ニ即
作_レ生解_ニ聞_ニ無生_ニ即_ニ作_レ無生解_ニ不知_レ生_ニ即_ニ無生
無生即生不達此理橫相是非此是謗法邪
見_レ人也_ニ上_ニ都_ニ有_レ六重_ニ問答_ニ之中_ニ今_ニ舉_レ初重_ニ後
五畧_レ之_ニ○登_ニ上品_ニ者真_ニ歇_レ了_ニ禪師淨土說云
如_ニ智覺禪師_ニ乃_ニ宗門_ニ之_ニ標準_ニ淨業之白眉也
興隆佛法勸億万人修白業臨終預知時至

種々殊勝甚至舍利鱗砌于身嘗有撫州一
僧經年旋遶禪師之塔即今西湖淨慈寺壽
私云具禪師塔頭也人問其故謂因病入冥
云延壽閻王以陽數未艾得放還生次見殿左供養
畫僧一幃閻王禮拜勤致遂扣主吏此是何
人吏曰抗州永明寺壽禪師也天下死者無
不經由冥府察判生唯此人修行精進經生
極樂上品王以為希有故圖像恭敬上○業

儒等者劉劉遺民雷雷次宗共是廬山十八
賢中俗士六人之其二也樂邦文類第三元
照無量院造彌陀像記云彌陀教觀載于大
藏不為不多然佛化東流數百年間世人殆
無知者晉惠遠法師居廬山之東林神機獨
拔為天下倡鑿池栽蓮建堂立誓專崇淨業
號為白蓮社當時名僧巨儒不期而自至惠
持道生釋門之俊彥劉遺民雷次宗文士之

豪傑皆伏膺請教而預其社焉是故後世言
淨社者必以東林為始厥後善導懷感大闡
於長安智覺慈雲盛振于浙石未流狂妄正

道梗塞

上所引或東
以下此次也

○柳子厚者是又儒士

官為禮部專修西方此人作有龍興寺修淨
土院記此元照記與此記碑在同文類同卷
之中其記初云中州之西數萬里有國曰身
毒釋迦牟尼如來示現之地彼佛言西方過

劣原古
並作苟
彼原古
並作後

十萬億佛土有世界曰極樂佛號無量壽如
來其國無有三毒八難衆寶以爲飾其人無
有十纏九惱群聖以爲友有能誠心大願歸
心是土者劣念力具足則往生彼國然彼出
三界之外其於佛道無退轉者其言無所欺
也已總有四百三十許字今少舉始多略文
耳○白樂天者字曰居易太子賓客翰林主
人列名禪派歸心淨土世皆稱之文殊化身

文殊師利阿彌陀經同聞衆中菩薩上首又
爲觀經者闍上首又對法照教以念佛爲其
化身自行化他專修西方誠有由也白氏畫
西方淨土像記云我本師釋迦如來說言從
是西方過十萬億佛土有世界號極樂乃諦
觀此娑婆世界微塵衆生無賢愚無貴賤無
幼艾有起心歸佛者舉手合掌必先向西方
有怖厄苦惱者開口發聲必先念阿彌陀佛

又範金合土刻石織紋乃至印水聚沙童子
戲者莫不率以阿彌陀佛爲上首不知其然
而然由是而觀是彼如來有大誓願於此衆
生有大因緣於彼國土矣乃弟子居易焚香
誓首跪於佛前起慈悲心發弘誓願願此功
德廻施一切衆生一切衆生有如我老者如
我病者願皆離苦得樂斷惡修善不越南瞻
部便觀西方白毫大光應念來感青蓮上品

隨願往生從現在身盡未來際常得親近而
供養也欲重宣此願而偈讚曰極樂世界清
淨土無諸惡道及衆苦願如老身病苦者同
生無量壽佛所記又白詩云余年七十一不
復事吟哦省經費眼力作福畏奔波無以度
心眼一聲阿彌陀行也阿彌陀坐也阿彌陀
縱然忤似鑽不廢阿彌陀日暮而途遠余生
已蹉跎普勸法界衆同念阿彌陀達人應笑

日原古
並作且

我多却阿弥陀達又作麼生不達又如何日
暮清淨心但念阿弥陀上日○然皆等者總結
如上高僧碩儒各達佛教皆記所解自念西
方冷化願生非唯此人且舉少耳所引之文
次下詞云以是觀之自非負剛明卓拔之識
達生死變化之數者其孰能信於此哉上日當
知不特明智博達急願生死迅速理數專憑
佛力且歸西也○言假等者集主私釋大師

化原古
並作他

變原古
並作受

解釋引三文中初之二句般舟讚文次之一
句法事讚下或假為化本不同歟後之二句
又般舟讚此等諸文皆顯聖道八万諸教廣
被諸機○言偽等者明外道教○言六十二
見者依律宗各句意總就五陰有六十見先
於色陰作其四句一即色是我二離色是我
三我大色小色在我中四色大我小我在色
中下之四陰准之可知若愛若想若行若識

改色一字如前作句故於一陰各有四見五陰四見四五之數合成二十而歷三世有此二十則成六十此外別加漸常二見是故總有六十二見○言九十五種者是舉外道種類九十五種九十六種經論異說除取有由六師外道弟子各有一十五人合九十人師弟合論九十六種於彼九十六種之中有其一類同小乘計故除其一云九十五雖有其計同小乘邊實是舊法是故斥言九十六種皆是邪道九十六者花嚴智論薩婆多論多分之說九十五者涅槃經說此經意者九十六種所計皆是戒禁取見而於此中有其一種執真涅槃在四禪等故不說云直墮三途依此義邊言九十五大師解釋由斯說耳唯佛等者雖為五種雖為六種其外一也○誠知等者傷嘆詞也但雖悲痛又有所喜寔是

可謂悲喜交流不喜不快是顯耻傷入定聚
數與迹真證潛表自證非無喜快次涅槃經
所引廣博不能具解且知大意問今引此文
有何要耶答弥陀名號與涅槃理其名雖異
其性是同此義文義共分明也先言文者大
經下云其有菩薩生疑惑者為失大利是故
應當明信諸佛無上智惠上又云當知此人
為得大利則是具足無上功德上或云智惠
或云功德其言雖殊共是名號是指弥陀漢
云無上而諸教中稱無上者涅槃一法謂智
論意大乘法中大般涅槃以為無上又瑜伽
云復次云何有上法謂除涅槃餘一切法當
知涅槃是無上法上彼此無上可知一法次
言義者上所出之大經文中言智惠者三德
之中且舉般若若舉一德三得具足此是三
德不離故也無上功德即是名號名號即是

三德秘藏然其名號全是弥陀弥陀即是涅槃妙理故事讚云弥陀妙果號云無上涅槃是就正報立涅槃名又云極樂無為涅槃界是約依報論涅槃義又云畢命直入涅槃城是所入城名曰涅槃般舟讚云念佛即是涅槃門上此云涅槃約能入門依止能所唯是弥陀圓滿無上涅槃功德又阿闍世五逆重罪定雖可入阿鼻獄中來此經會滅罪

文原古
逆作又

解脫療此重病醍醐妙藥今此念佛又滅此病依之先德以此念佛同彼醍醐是一法故以有如此甚深義也處々多引今文引之就舉邪臣并外道名自一至四所列可見上大
臣名下外道名第五行下婆薢仙者非經所出六師之內彼言德誘闇世言所引古仙之名字也第六行上迦羅鳩駄迦旃延者六師第五此名宜在第五行下婆薢仙所第六邪

臣名無所畏，今不舉之。若舉之者，是則可在第六行。上舉尼捷陀若提子，所若提子者，可在其下。問名字存沒次第前後何如此耶？答如此。用捨依時不定。婆蘘仙者，雖似無要邪臣所用，本說名故亦非無由。第六行上置尼健陀若提子者，除婆蘘仙次吉德故，非之置上。只依隣次，又雖不舉無所畏名在本文故，省畧而已。問若讓在文上，五可同何出上，五

略下一耶答出，初略後舉多省少，就初就多。有何過乎？又於所舉六師之名文字是異，但雖有異於音通者，不足為異於其音異，宜為異本。第三名中一本那闍，一本刪闍，一本眩子，一本眠子，第四名中一本翅金，一本翅舍，第六名中一本捷子，一本提子。上參差本有異歟？但二說中刪闍眠子阿耆舍欽若提子，名止觀第十為此等字，故予當初學圓宗時

提子下
古本有
已字

受明師說此名字也是以等者私解釋也此
解釋意如上所述彌陀真教涅槃極理內證
是一無有差別是故共治難治三機以顯此
義為斯釋意○言三機者如舉文始一謗大
乘二五逆罪三一闡提是其機也○言三病
者即此三機約根三機寄喻云病言聖聞者
聖字不正書生誤歟以聲為本夫據以下至
思量耶私問詞也報導以下答中所引論註
文者上卷釋也總說竟後都有八重問答之
中第二以下七番問答至盡卷也問彼初重
意問答何事答就問念佛所被之機答中意
云大經說云諸有衆生而除五逆誹謗正法
觀經具說九品之機而攝五逆猶除謗法故
述其餘盡依信佛因緣皆生第二問答就此
義求其意可見○一者五逆二者誹謗正法
等者問鸞師之意全不可許謗法之機往生

益乎答如今文者不許之歟但如下卷莊嚴
心業功德成就之解釋者許彼謗法尚得解
脫其解釋載當卷初解三十三願身心柔轉
利益之段故今略之彼釋許生攝受門意是
約迴心今釋不許抑止門意約未迴心第六
重中○初在心者即是約心○次在緣者此
是約境○後在決定是約時也○無後心者
四修之中長時修意○無間心者即無間修

問無間心者為約平生為約臨終答如今釋
者以時分急依止此心故約臨終但總言之
不遮平生機根區故縱雖尋常住此心類何
無之哉○此中等者念有三義所謂時節觀
念稱念今唯嫌時觀念稱名無其用捨鸞師
之意存二義歟若依導家唯是稱名十八願
文下々十念共無異論第八問驚訝其觀稱
互可有妨答意已云業事成辦言於約稱而

傳古本
作得

不可記其頭數數○不緣等者不傳口授又
無筆點先德嘆之誰不為恨但其涯分推知
領解開發宜依人根性乎次大師釋所引有
二初散善義下品下生二種重罪除取問答
問端可見就答中意問約抑止門有何證耶
答諸願皆以不取正覺結當願意而唯除句
在其言外以之為證問五逆已作有何證耶
答經序分中間世造之調達作之故云已作

○此義等者此釋之意匪管抑止二種重罪
又有抑止多劫之義若只抑止其重罪者此
言可在上云若造還攝得生之句下歟已舉
彼土多劫花合三種障尋其次結之可知上
標罪業抑止下結多劫障重抑止純一報土
一向化生假說華合此即胎生約化土相宜
思擇之次法事讀序中文也到彼等者顯無
花開花合之差○以佛等者正顯逆謗闡提

皆生即示不生為抑止意故次上釋引此文也次所引文言淄州者是居所名名曰智周法相祖師今釋最勝王經疏文問今引文者如載十因第三章中如何不云十因云耶答禪林先德引淄州釋今此文類又引淄州彼此引用各依彼師云依淄州既有本據直載其名無其科耶今引用意上所引之註家宗家二師之釋既明五逆謗法往生而謗法相

論註釋之五逆未解是故為示其罪相也就中若依小乘五逆人皆以為輒不犯之若依大乘五逆之說人々一々難道此罪常行十惡即此攝故仍且為生慚愧悔過之心且為念報濟度大悲深重佛恩被引之歟○言薩遮尼乾子經者譯者流支此經十卷或有八卷又有七卷○彼經云者如十因者次上文云若候十輪經於此四重中說近無間業故

六要鈔卷之三
已次有今文然問彼者指十輪經而如今者可混薩遼尼乾子經是故彼字得意可見今所出罪彼經此四說云四近無間大罪惡業正逆說云根本罪也

六要鈔卷之三舊未終

六要鈔第四

當卷太門第四明證於中有四一者題自二者標舉二段如前三者正釋自文之初至引論註所判第五功德相釋註云已上鈔出之文是爲正釋四者總結尔者已下至卷之終是其文也一題目分二准前應知依真實信得真實證信證有次三四成數二言標舉者題次一行第十一願是則必至滅度之願亦

云住正定聚之願其下之註言難思議往生
意者法事讚中所釋三種往生之中其一名
也三種之內爲之真實依難思議往生之益
所得之證是爲無上涅槃之果問今所舉外
二種云何答在第六卷可待下也問嘆此往
生云難思議其意如何答佛號不可思議光
佛歸彼誓願得往生故指往生德云難思議
是則罪惡生死凡夫無有出離之緣下機偏

由佛力得入報法高妙淨土更非凡心之所
思度更非口言之所可及是故嘆言難思議
也就正釋中分文爲二自文之初至報應化
種々身也總標大意必至以下正引諸文兼
加私釋先就總標中○謹顯等者正標當卷
所立之名○利他等者是指證道或指初地
已上或指八地已上乃至等覺補處是則衆
生生者皆是阿鞞跋致由佛大願業力所得

希奇益也○無上等者是指妙覺無上之位
必至補處所可窮極之妙果也○即時等者
問當願之意得不退位約往生後彼土德故
而如今者約現生歟其意如何答此有隱顯
傍正等意若據顯正約生後益若依隱傍約
現生益依之或云即得往生住不退轉或云
皆悉到彼國自致不退轉各有料簡是故十
住毘婆沙論若云即入必定若云欲於此身
皆約即時是現生意依此等義有此釋也此
義具載第二卷新本之中宜見彼解次正引
中先出彼此兩經五文初正願文問當願大
意云何答因位所見諸土之中或有雖致佛
道修行退入邪聚或有不退速得菩提法藏
憐愍彼退隨類爲令彼類住正定聚終證涅
槃之妙理故發此願也問定聚滅度是二益
歟又一益歟答是二益也言定聚者是當不

退言滅度者是指涅槃問定聚滅度何爲願
躰答諸師之意多以不退爲其願體所謂寂
云令住定聚法位師云願住定聚玄一師云
住定聚願靜照真源共名住必定聚之願但
彼御廟智光二德并云住正定聚必至菩提
之願是舉兩益如是名者難定以何爲所願
之體若約初益可爲不退若約究竟可爲滅
度今此集意就其終益被立名歟問言滅度

者大小二乘所證之理共得此名今指何耶
答大乘滅度文理共明言其文者次下所引
如來會文其說分明又大阿彌陀經說云今
得佛道云大涅槃云取菩提云得佛道言其
理者彌陀教文大乘真實終窮極說了義教
也極樂畢竟成佛道路即是大乘善根界也
豈得小乘灰斷滅度當知其證偏在大乘問
如所立者往生之後所得之益淨土德也然

者所言現生即時不退之義相違如何答豈
不前言於不退益有其隱顯傍正之意處々
料簡其意皆同又滅度益可為生後究竟之
益不可混亂問約生後益論不退者其位如
何答常途所談非三不退是處不退故要集
判云處不退又群疑論云初往生時即名不
退者此約處不退上已但如下引本論意者可
云初益是行不退後益念不退所言未證淨

心菩薩初地已上上地菩薩是指八地已上
故也集主之意立真實證其位深高叶此義
歟問不住等者不之言者是指定聚其義難
云力多下被滅度耶答不言流至必至滅度初住定
聚終成佛故次如來會文言決定者正定聚
也成等覺者是顯必至滅度之意大乘滅度
此文灼然正信偈中云成等覺證大涅槃此
文意也次願成就文大經下卷最初文也問

三聚之相其位如何答三定聚義諸說不同
若依小衆俱舍論云正邪不定聚聖造無間
餘已上頌疏釋云上句標下句釋謂諸聖人
名正性定聚造五無間者名邪定聚餘即無
間外餘凡夫也上已若依大乘如釋摩訶衍論
說者有其二種一者十信前名邪定聚不信
業果報等故三賢十聖名正定聚不退位故
十信名不定聚或進或退未決定故二者十

信前并十信名邪定大覺果名正定三賢十
聖名不定二者十信前名邪定十聖名正定
十信三賢名不定上已隨而諸師又有異解且
憊興師破諸師解述自義云今即餘教所說
三乘皆是穢土有此三乘故若生淨土不問
凡聖定向涅槃定趣善行定生善道定行六
度定得解脫故唯有正定聚而無餘二也上已
如此釋者不定判位只嘆彼土不退之德叶

處不退之義趣歟縱令雖得三不退等是又
佛力即處不退之勝德故無所違歟次云又
言彼佛等者上卷文也上明新生舊住報勝
分科文中於其新生又分正依而今文者初
自彼佛至泥洹之道明依報勝之結文也○
次於等者泥洹梵音又言涅槃乃是滅度次
者近也是言彼土近涅槃道問法事讚云極
樂無爲涅槃界也即其當體涅槃界也何云

次耶答弥陀妙果無上涅槃極樂即又大涅
樂界第一義諦妙境界相理在絕言今云次
者約其新生菩薩嘆故且云次也其諸等者
明舊住勝又分二報其中今之所引明正報
勝之初文也○智慧高明是嘆內德第二十
九得辨才智願成就故○神通洞達同是內
德六通願願成就故也○咸同等者是讚外
相第四無有好醜之願成就故也○但因等

者義寂師云因順餘方有其二義一隨本業
謂往生者或有資人業生或有資天業生雖
生彼時無異狀因順本業有人天名二因居
處謂彼土中或有依地居或有空居雖彼
果報無異狀隨其所在處有人天名上顏貌
以下明超穢土所引文次云佛告下比較顯
勝明其超也○非天等者上說因順有天人
名先標非實今正顯說無其實躰私案文意

是欲顯彰初生之時聖凡雖別依佛力故即
至上位同達真理是故下說皆受等也○自
然虛無之身等者嘉祥師云以神通無所不
至故無極之體如光影故虛無之身上義寂
師云非胎藏所生育故自然非飲食所長養
故虛無非老死所損沒故無極乃又即此身
至成佛故上憬興師云虛無無極者無障故
希有故如其次第即求那羅延力願之報也

已云一師云言虛無者橫無障身故言無極者縱無衰退故已諸師料簡各有一理私潤色云言自然者為淨土德法事讚云從佛道遙歸自然自然即是弥陀國已虛無又是淨土樂也般舟讚云一到即受清虛樂清虛即是涅槃因已虛無清虛其義似同言無極者是順昇道無窮之義此經下說言昇道無窮極又顯壽命無窮之義同次下說云壽樂無

有極次如來會願成就文其意可見又平等覺云生無量清淨佛國者其然後皆當得阿惟越致菩薩已大阿弥陀經說同之又莊嚴經云若有善男子善女人若已生若當生是人決定證於阿耨多羅三藐三菩提於意云何彼佛刹中無三種失一心無虛妄二位無退轉三善無唐捐已今此二文雖非所引為備周覽私所載也次淨土論此有五文第一

文者國土莊嚴十七種中其第十一之莊嚴也今言聲者不關音聲是名字也○言經言者問指何經耶答指覺經也彼經云十七我作佛時令我名字聞八方上下無數佛國諸佛各於弟子衆中歎我功德國土之善諸天人民顫動之類聞我名字皆悉踊躍來生我國不尔者我不作佛已問彼覺經不云即入正定聚今註何加之答經文雖隱其義必然

云來生我國即入正定聚也就正定言今被引之第二文者同第十二之莊嚴也不異不滅不散不失住持之德是又相順不退義故被引用之○不朽藥者華嚴經說隨義轉用第三文者同第十三之莊嚴也○莫非等者問於極樂中胎生化生差別分明何如此釋答彼胎生者即是化土疑惑佛智行者所生此化生者即是報土明信佛智行者所生今

釋最爲明真實證之要文歟○同一等者於
第二卷私御釋中被載此詞仍於其下新未
鈔中粗加愚解可見彼鈔第四文者同第十
六大義門功德成就文也○本則等者此有
二義一云於彼二乘及以女人諸根不具等
之三類各有名躰是故舉彼體三名三言之
三三言一二二者體與名也二云言三三者是
指九品言一二二者雖說遇大遇小遇惡九品
差別實無一品二品之殊何況實有九品差
問九品說相經文分明何無殊乎答九品在
機不關淨土又說九品是化土相於實報土
更無其差實不可有地前位故此義可俟下
第六卷料簡而已問今此莊嚴功德之文除
本論偈以下註初有何意耶答於上所引眷
屬成就明彼淨土正覺淨花純一化生報上
之相爰除數箇莊嚴功德引當莊嚴功德成

就而畧文初正以本則三々之品今無一二
之殊土相直次正覺淨華之所化生報土之
相是爲顯土無九品也若依此義上二義中
以後一義可爲集主之本意也言淄澆者二
水名也第五文者同莊嚴中初莊嚴也觀者
觀察○彼者極樂世界○相者彼清淨相○
勝過等者明非三界之所攝也註釋之云抑
亦近言是顯其爲高妙土也問何今逆次引
用之耶答今此清淨是其總相是故本論自
總開別而拔簡要引用之時今以總相結所
鈔出之別相歟○有凡等者言凡夫類雖不
斷惑由佛力故得往生也又得往生即無生
故即契煩惱即菩提等甚深證悟彼土德故
○涅槃分者未至極位故云分也次安樂集
下卷文也第八大門有三番中第二弥陀釋
迦二佛比較之段末後文也文意易見所引

經讀讚阿彌陀佛偈之文也。今之八句依上所引正報勝文上解經意讚意全同。次大師釋所引有二。其初文者觀經玄義序題門釋初自弘願終至緣也。如第二卷鈔新本解。○又佛密意者會二尊意。若約彌陀是顯如來智惠深廣。如大經說如來智惠海深廣無涯底。二乘非所測。唯佛獨明了。上已若約釋迦是顯一代出世大事。其大事者為令衆生往生極樂入佛知見。即證法性之常樂也。○教門難曉者八万諸教。教行區分。求出要類。各欲行之。權實淺深。難易堪否。凡夫依之。易迷難解。若不解了。恐難輒生真實信心。○三賢等者。弗闕有二。一者約人。下人不測。上人之智二者約理。如云唯佛與佛乃能究竟。故也。況我等者。謂其內證。雖居佛地。示同凡惑。引導下機之卑言也。○言信外者。此有二義。一是

竟原古
並作盡

指十信外九位故言之信外言輕毛者仁王
經等指十信故二是指十信以外九位述謙
下言更不可云入道位故信外之言又順此
義輕毛之譬云通信外強無咎歎十信之位
猶如輕毛况信外哉○唯可等者勤心安心
奉法起行畢命爲期四修之中舉長時修攝
餘三修○捨身者明往生益即證等者即顯
證理言法性者是則真如亦是實相○言常

樂者常者即是無量壽躰樂者即是安樂之
義即又法性聖道淨土二門雖殊得脫之道
共證此理而聖道門於此土中即身悟之淨
土之教依佛願力生彼土後得此證也次三
首讚定善義中水觀讚也言寂靜者淨土德
也大經上云其心寂靜志無所著比彼嘆法
藏發心之相此讚淨土無動之德依正雖異
其義是同○言無爲者大經說云無爲自然

法事讚釋云極樂無爲即是無造作義樂是
對苦即是極樂○畢竟逍遙同是快樂無窮
義也○離有等者第一義諦妙境界相殊妙
淨土○第一義者即是中道故離二邊○大
悲等者大經或云其大悲者深遠微妙或又
說云廣若虛空大慈等故拔苦與樂其意聊
異共是利物利物之心彼此平等依此義故
言之無殊今所言者是內證德○或現等者

明外用德○言神通者是約身業○言說法
者是約口業言相好者又約身業○入無餘
者是約涅槃即明必至滅度益耳○變現等
者是明本國菩薩衆等往他方界皆設變現
隨意化儀即被群生與滅罪益○歸去等者
是約證得往生之義彼法界身本來本覺十
劫被機是非實成所歸衆生凡迷更雖不知
始覺冥本覺理而契當之如來力也餘處解

釋或云努力翻迷還本家或云元來是我法
王家皆此意也○言魔鄉者是娑婆界四魔
燒亂常障佛道而念佛人由他力故魔不為
導不為導故往生淨土淨土無魔故成佛道
故勸可厭此魔鄉也○唯聞等者問於六道
中欲界六天苦樂猶交況上二界更無憂苦
二禪享受三禪樂受此等何言有愁歎耶答
雖言有樂此非實樂當卷定善下云言三界

苦樂者苦則三途八苦等樂則人天五欲放
逸繫縛等樂雖言是樂然是大苦畢竟無有
一念真實樂也上淨穢相對三界中樂非實
樂故云愁歎也○夫案以下至披論註私御
釋也是明迴向於中自初至云應知略結往
相云二言下至之願也總標還相顯註論下
至披論註先標所引次正出文文有三段論
與註也初文利行滿足章文第三卷本引此

論文第二卷與被引註釋於彼註釋載推義
訖次之文者第二起觀生信章中迴向門下
分二種中還相迴向之註釋也○奢摩他者
此翻云止○毘婆舍那此翻云觀○方便力
者即迴向也故下善巧攝化章中釋巧方便
迴向文云以後其身而身先故名巧方便此
中言方便者謂作願攝取一切衆生共同生
彼安樂佛國彼佛國即是畢竟成佛道路無

上方便也上已○言稠林者稠玉篇云直留切
密也廣韻云直由切稠也多也林玉篇云力
金切平土有叢本廣韻云力尋切地上有叢
木故稠林者不謂善惡喻繁多義十地論云
稠林者衆多義故難知義故上已後之文者第
三觀行躰相就明依正二十九句莊嚴成就
如來八種功德之中第八莊嚴功德成就有
三段內今文第三正釋住持行相以下至第

十重利行滿足章中別約近等五門配禮拜
等之五念門併被引之此文意者生極樂者
皆登八地即證法身寂滅極理爲此義者云
得十信三賢之位又有九品差別之相皆是
假說只是約機以契平等法身證悟爲真實
證被引此文爲顯此意能得此意可見此文
問極樂生位不關七地已還位耶答得無生
忍其位不同或約初地或約八地若依初地
得忍之說可云廣通七地已還今就深位先
據八地○未證等者問起信論云證法身者
從淨心地乃至菩薩究竟地上依彼論意淨
心地者是指初地究竟地者是指十地然者
何以七地已還名爲未證淨心菩薩答是如
前述謂證真如初地八地其說相分思彼論
意立淨心名約證真如今言未證約有作心
即云功用無功用是問初地已下菩薩已得

無分別智何云作心答此有分極彼已雖得
無分別智若猶相望八地已上是作意也又
或義云依法相意七地已還於第六識有漏
無漏令雜起故若其有漏現起之時猶必可
有作意分別是故判云非不作意○言身等
者是指相好莊嚴等也○言法等者指所說
也○龍樹菩薩婆藪般頭菩薩等者問天親
賢位龍樹聖位彼此何同答雖有地上地前
不同分有所得是故類同是以撲揚讚天親
云位居明德道隣極喜上已又弘決云天親龍
樹內鑒冷然上已或依隣近或依內鑒爲一雙
也問地上菩薩願生極樂其義難思所以然
者淨穢差別在心染淨於境本來無染淨差
初地已上既斷無明分顯我性身居報土任
運自聞報佛說法所見境界報土儀式何更
願生彼淨土耶故探玄記云十住已去不退